

# حقوقی بيلکيلر مجموعه سی

هر آي سوکنده نشر اولنور

DOCTRINE

تَتَبَعْلَر

حقوقی فکرلر — RÉFLEXIONS JURIDIQUES

عربله وکیل محترم محمود اسعد بك افندیبه

حقیق انقلابك تمل طاشنی تشکیل ایدن جمهوریت قانونلرینی تدوین و نشر ایتك شرف و مسئولیتنی درعهده ایتش اولان سزك کبی برعدلیه وکیل یالکز انقلاب روحه توافقی ایدن و انقلابی یاشاده حق قانونلری نشر ایتمکله وظیفه سنك نهایت بولدینه قانع اوله ماز؛ یکی قانونلره احتیاج جز نه اولورسه اولسون ده اول وهرشیدن اول قانونی فکرک، قانونی سجه نك مملکتده یرلشمسی لازمدر؛ برطرفدن کوزل نظاملر، ملتی و مملکتی دیگر معاصر دولتلره یاقلاشدیره حق قانونلر نشر ایدیله کلمکده ایکن دیگر طرفدن او قانونلرک نه صریح احکامنه ونده روحاً و معنأ احتوا ایتدیکی حکملره رعایت لزوم و احتیاجی حس ایدلرسه قانونی مملکتده حاکم قلمق غایه سنك بر خیال خام اوله جفنی ادعا ایتك مجبوریتی حاصل اولور.

اگر قانونلره عدم اطاعت و محاکم مقرراته عدم اهمیت باخصوص دوائر رسمیه دن صدور ایدرسه مسئله نك جدیتی يك نظرده کوزه چاربار؛ اشته بوکبی حادثلر حفته عدلیه مزك کنج و انقلابی رئیس صفتله نظر دقت عالیرینی جلب ایتك مجبوریتی حس

ایدیورم: برمدتن برو محاکمک تأخیر اجرا مقرراتی دوائر رسمیه اصفا ایتمه یرک قرار متخذہ رغماً اجرایہ دوام ایتمکده درلر؛ بونک، دولت ایچون انتساج ایدہ جکی وایدہ بیلہ جکی مادی ضررلری بر طرفہ براقلم، بوذھنیک، پرہنسب اعتباریلہ، عرض ایتمدیکی وخامتک تقدیرینی ذات عالیکزه ترک ایدیورم.

بوحادثہلر، صوک زمانلردہ اموال متروکہ صائیشلریلہ بعض ویرکولر حقندہ تحث ایتمکده در؛ مثلاً برملک، متروک عدیلہ مزایدہ چیقارلش، صاحبی محکمہ یہ بالمراجہ کندیسنک فراری اولمادینی ومالک متروک عد ایدیلہ مہ یہ جکفی ادعا ایلہ اقامہ دعوی ایلہ مش، محکمہ طرفینی بعدالاستماع نتیجہ محاکمہ قدر مزایدہ نک تأخیرینہ قرار ویرہ رک بوقراری دائرہ عائدہ سنہ تبلیغ ایتمدیکی حالہ دائرہ عائدہ سی اصفا ایتمہ یرک ینہ مزایدہ یی اتمام وملک مذکور ی بر شخص ثالث فراغ ایدہ رک تصرف سندینی اعطا ایلہ مشدر؛ دیگر طرفدن محکمہ، تدقیقاتنہ دوام ایدہ رک اوزون محاکماتدن سوکرا مدعینک ثبوت اداسنہ مبنی غیر منقولک شخص ثالث اوزرنده کی قیدینک ابطال وتصحیحہ ومدعی یہ تسلیمہ قرار اتخاذ ایتمشدر.

بندہ کزنہ اساس حقندہ ندہ نتیجہ حقندہ بیان مطالعہ ایتمہ یورم. یالکز شو نقطہ یی نظر دقت دولترینہ عرض ایتمک ایستہ یورم کہ بر محکمہ، تورک ملتی نامہ اجرای حکم وظیفہ سیلہ موظف بر تورک محکمہ سی اوملت نامہ اتخاذ ایتمدیکی برقراردہ بر دائرہ رسمیه اتباع ایتمہ یور، ہیچہ صایور؛ بونک وخامتکی، افادہ ایتمدیکی معنایی بن تشریح ایتمک ایستہ نم.

مادی جھتدن دخی دوشونولہ جک نقطہلر چوقدر؛ اولاً او شخص ثالث تفرغ ایچون مصارف یاپدی؛ احتمالکہ اشترا ایتمدیکی ملک اوزرنده تعمیرات یاپدی، تعہداتہ کیریشدی. بوندن دولایی احتمالکہ خزینہ دن بعض ضرر وزیان وتضمینات طلب ایدہ جک؛ بوتون بونلر خزینہ نک ضررینی مؤدی دکلیدر؛ زیرا، امید ایتمک ایسترم کہ، تأخیر اجرا قرارینی اجرا ایتممک جرأتکارلغندہ بولونمش اولان دائرہ، اعلامیہ ده اجرا ایتمیرمہ مک جرأتی کوسترمہ یہ جکدر. اوحالہ، بیت المالك بوضرلرینی کیم اودہ یہ جکدر؛

قالدی کہ بوسوہ امثالک نظر افرادہ تاثیریدہ آریجہ شایان تدقیقدر؛ قانونلرک

ضعفا و افراد ناسه مخصوص اوله جنى ضيا پاشانك تركيب بښنده او قونورسده جمهوريت ادارهده بو ذهابك یرى اولماماسى کرکدر . برتاخير اجرا قرارى افراد قارشى نصل تطبيق ايديليورسه دواثر رسميه نك اوکا تبعى اولويته الزمدر .

بيلم آ؛ بنجه جزا قانونك مصونيت شخصيه متدائر احكامى بومسئلهده بررول اوينار مطالعه سندهم . چونكه تشكيلات اساسيه قانونى ايله افراد تامين ايدين حقوق مدنیه تجاوز ايديلمکدهدر . بو مطالعه بالتدقيق وارد کورولورسه ايجابات قانونيه سه توسل بويوروله جنى امر طبعيدر .

آرتق آ کلاشيلمايديرکه جمهوريت اداره، براتيکت تبديلى هدفيله دکل تام معناسيله قانونى حاکم قيلمقه مساعد اک مکمل برطرز حکومت اولدينى ايچون تأسيس ايديلمشدر .

### مسابقه

مجموعه نك دردنجي نسخه سنده «ژان ژاق روصو و مقاله اجتماعيه سى» عنواني تحتند برمسابقه آچمش ايدك . اوچ آى مدت و يرلديكى وبومدت مارتك صوك كوفى ختامه ايرديكى حالده كيمسهدن بريازى آله مادق . بناءً عليه مسابقه ي قاپاتمغه وبوبابده كى تبغى اوروپا مدرسلرندن بريسدن ايستمكه مجبورقالدق . بولطفى پارس حقوق فاكولته سى مدرسلرندن پروفه سورمه ستر وعد بويورديلر ؛ يقينه قلمه آلمقده اولدقارى تبغى لطف ايده جكلردر .

بومدت ظرفنده توركجهده ژان ژاق روصويه عائد آثار اولوب اولماديني حقنده برسؤال وارد اولدى ؛ توركجهده ژان ژاق حقنده برتبغى بښده كز بيلمه يورم ؛ بيلن وارسه ولطفاً اشعار ايدرلرسه متشكر اولورم . ژان ژاق حقنده بن برقاچ سنه اول برائر نشر ايتمش ايدمكه مقاله اجتماعيه سنى هيچ موضوع بحث ايتدم ؛ معلمكم زماننده يازديغم بوكتابده يالكز (اميل) نامنده كى اثرينى تدقيق وبووسيله ايله تربيه متدائر نظريه لرينى تحليل ايتمش ايدم .

صوك كونلرده ديكر بر آرقداشدن آلدېغم بر مکتوبده بو تتبع ايچون فرانسزجه نه كى آثاره مراجعت ايديله بيله جكى سؤال ايديليور ؛ مسابقه نك قاپاتميش اولماسنه رغماً

بو بایده یازیله جق یازیلری مع المنونیه قبول ایده جکمزدن تدقیقاتی تسهیلًا ژان ژاق روسونک مقاولهٔ اجتماعیه سنه دائر بر قاچ اترك اسمعی قید ایدیورم .

هازی روده H. Rodet نك ژان ژاق روسو و مقاولهٔ اجتماعیه سی .

غولان Golan روسونک مقاولهٔ اجتماعیه سی و معاصر حقوق عامه

بری Bry مقاولهٔ اجتماعیه و معاصر نظریات سیاسیہ اوزرنده کی تأثیری

پول ژانه Paul Janet اخلاقه اولان مناسباتی نقطه سندن علم سیاسیات تاریخی ایکنجی جلدی .

موریسون Maurisson روسونک سیاسی . قوره سپوندان مجموعه سنك ۱۸۸۳

سنه سی جلدنده مندرجدر .

مستر Mestre حقوق عامه مجموعه سنده؛ روسویه کوره شخصیت معنویه منهومی .

چرنوف Tchernoff مونیسکو وژان ژاق روسو : حقوق عامه مجموعه سی برنجی

جلد ۱۹۰۳ .

بودون Beaudouin روسونک حیات و اناری ایکنجی جلد .

بو آنارک تدقیقی مقاولهٔ اجتماعیه حقنده تام بر فکر ایدینمکه خدمت ایدر فکرندیم .

### دعوت قضایه درغور

محکمهٔ تمیز استهلاک ویرکوسی جزایری ایچون مالیه نك اول امرده محکمهٔ جزایه مراجعته مجبور اولدینغی تحت قراره آلمشدر؛ بو قراری آلفیشلار ایکن افاده ایتدیکی معنا ووقایه ایتدیکی پرنسبب اوزرینه نظر دقتی جلب ایدرم . مجموعه نك انتشارندن برو مدافعه ایتدیکی وحدت قضانك لزوم و ضرورتی کیتدجکه تعین وتوضیح ایتدکده در؛ بوندن اول دردنجی حقوق محکمه سندن صادر اولان ومسکرات انحصار اداره سنك حق قضاسنی طانیایان بر اعلامده نشر ایتش ایدک؛ هر طرفدن قضایی حکامه حصر ایتدیرمک ایچون بر فعالیت ابراز ایدیلورسه بو فکرک هر کسک ذهنتده یرلشه جکنه اعتماد ایتک ممکندر؛ بوندن هم ملت افرادی، همده دولتک شخصیت منهویه سی مستفید اوله جغی درکاردر .

مبلسی : غار فرانفر